

ხელშეკრულება სახელმწიფო შესყიდვის შესახებ #20
(SPV კოდი 72320000-მონაცემთა ბაზებთან მუშაობა)

ქ. თბილისი

14 თებერვალი, 2018 წელი

ერთის მხრივ, სსიპ „საქართველოს მეცნიერებათა ეროვნული აკადემია“ (შემდგომში-შემსყიდველი) წარმოდგენილი მისი აკადემიკოს-მდივნის ირაკლი ჟორდანიას სახით და მეორეს მხრივ, სსიპ „საქართველოს საკანონმდებლო მაცნე“ (შემდგომში-მიმწოდებელი) წარმოდგენილი მისი თავმჯდომარის ნიკა ახალბედაშვილის სახით, ორივე ერთად წოდებული როგორც „მხარეები“, ვმოქმედებთ, რა „სახელმწიფო შესყიდვების შესახებ“ საქართველოს კანონის 10¹ მუხლის მე-3 ნაწილის „ზ“ ქვეპუნქტის თანახმად, ვდებთ წინამდებარე ხელშეკრულებას გამარტივებული შესყიდვის საშუალებით შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დანართით, რომლებზეც ხელშეკრულებაში არის მინიშნებები;
- 1.2. `შემსყიდველი` ნიშნავს ორგანიზაციას ან ფიზიკურ პირს, რომელიც ახორციელებს შესყიდვას;
- 1.3. `მიმწოდებელი` ნიშნავს იურიდიულ პირს, რომელმაც შემსყიდველთან გააფორმა ხელშეკრულება;
- 1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა;
- 1.5. `დღე`, `კვირა`, `თვე` ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული;
- 1.6. „ვებ გვერდი“ ნიშნავს – შემდგომში ვებგვერდს (www.matsne.gov.ge) რომლის მეშვეობითაც შემსყიდველი ღებულობს ელექტრონული სისტემით სარგებლობის მომსახურებას.

2. ხელშეკრულების საგანი

- 2.1 საქართველოს იუსტიციის მინისტრის 2010 წლის 06 დეკემბრის #225 ბრძანების საფუძველზე განისაზღვრება მომსახურების მიწოდების ვადები და პირობები, რომლის საფუძველზეც ხორციელდება „საქართველოს საკანონმდებლო მაცნეს“ ვებგვერდზე განთავსებული სისტემატიზირებული ნორმატიული აქტების ელექტრონული მომსახურეობის სისტემით სარგებლობის უფლების შესყიდვა – შემდგომში მომსახურება.
- 2.2 მიმწოდებელი იღებს ვალდებულებას გაუწიოს შემსყიდველს აღნიშნული მომსახურება წინამდებარე ხელშეკრულების პირობების შესაბამისად.

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს 288 (ორასოთხმოცდარვა) ლარს.
- 3.2. წინამდებარე ხელშეკრულების საერთო ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. შესყიდვის ობიექტი და მახასიათებლები

- 4.1. შესყიდვის ობიექტი – მონაცემთა ბაზებთან მუშაობა.

4.2. „საქართველოს საკანონმდებლო მაცნეს“ ვებგვერდზე განთავსებული სისტემატიზირებული კანონქვემდებარე ნორმატიული აქტებით სარგებლობის საფასური განისაზღვრება საქართველოს იუსტიციის მინისტრის 2010 წლის 06 დეკემბრის #225 ბრძანების საფუძველზე.

4.3. მომსახურების სისტემით სარგებლობის უფლება განკუთვნილია ერთ მომხმარებელზე.

5. მომსახურების შესაბამისობა

5.1. ხელშეკრულების მეორე მუხლით გათვალისწინებული მომსახურება უნდა იყოს ინტენსიური რეგულარული ხასიათის და პასუხობდეს ხელშეკრულებით გათვალისწინებულ მოთხოვნებს.

6. შესყიდვის ობიექტის მიწოდების პირობები და ვადები

6.1. შესყიდვის ობიექტის მიწოდების პირობები განისაზღვრება საქართველოს იუსტიციის მინისტრის 2010 წლის 06 დეკემბრის #225 ბრძანების საფუძველზე.

6.2 შესყიდვის ობიექტის მიწოდება განხორციელდება ვებგვერდის (www.matsne.gov.ge) საშუალებით, წინამდებარე ხელშეკრულების 9.1.4. ქვეპუნქტის შესაბამისად, 1 (ერთი) წლის განმავლობაში

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიწოდება დასტურდება მომხმარებლის ვებგვერდზე, სისტემაზე დაშვებით და შესაბამისი მიღება-ჩაბარების აქტის გაფორმებით.

8. ანგარიშსწორების პირობები

8.1. ანგარიშსწორება მიმწოდებელთან იწარმოებს უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე.

8.2. 3.1. პუნქტში მითითებული თანხის გადახდა მიმწოდებელთან განხორციელდება 7.1. პუნქტის შესაბამისად, მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

8.3. დაფინანსების წყარო – 2018 წლის აკადემიის სახელმწიფო ბიუჯეტი.

9. მხარეთა ვალდებულებები

9.1 მიმწოდებელი ვალდებულია:

9.1.1. განახორციელოს „მაცნეს“ ვებ გვერდზე, ელექტრონული მომსახურების სისტემაში ჩართვა და მომხმარებლის თანამშრომელთა ელექტრონული მომსახურების სისტემაში დაშვება.

9.1.2 უზრუნველყოს „მაცნეს“ ვებ გვერდზე განთავსებული სისტემატიზირებული ნორმატიული აქტებისა და სხვა საინფორმაციო დოკუმენტების გამართული მიწოდება;

9.1.3. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით.

9.1.4. ხელშეკრულების გაფორმებიდან 3 (სამი) სამუშაო დღის ვადაში უზრუნველყოს შემსყიდველის ელექტრონული მომსახურების სისტემაში ჩართვა და მომხმარებელთა ელექტრონული მომსახურების სისტემაში დაშვება დანართი #1 შესაბამისად.

9.1.5 აღკვეთოს მომხმარებლის ელექტრონული მომსახურების სისტემაში ნებისმიერი არასანქცირებული შეღწევა.

9.2 შემსყიდველი ვალდებულია:

9.2.1. კონფიდენციალურად შეინახოს ელექტრონული მომსახურების სისტემით სარგებლობისათვის მომხმარებლის სახელი (უსერ ნამე) – პაროლი, უზრუნველყოს მისი დაცვა და არ დაუშვას მესამე პირთათვის მისი გადაცემა.

9.2.2. ხელშეკრულებით გათვალისწინებულ ვადაში უზრუნველყოს ' მიმწოდებლის' დაფინანსება ხელშეკრულების 8.2 პუნქტის მოთხოვნათა შესაბამისად.

9.2.3. დროულად განიხილოს `მიმწოდებლის` მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2.4. თავისი შეხედულებისმებრ შეცვალოს მისთვის გადაცემული პაროლ(ებ)ი, და უზრუნველყოს მისი დაცვა.

9.2.5 წარუდგინოს მიმწოდებელს დაზუსტებული და სრული ინფორმაცია დანართი #1 შესაბამისად.

9.2.6 არ გამოიყენოს „მაცნეს“ ვებგვერდზე განთავსებული კოდიფიცირებული ნორმატიული აქტები კომერციული მიზნით და არ დაუშვას მათი მასობრივი ინფორმაციის საშუალებებში განთავსება.

10. მხარეთა უფლებები

10.1. `მიმწოდებელს` უფლება აქვს:

10.1.1. შემსყიდველს მოითხოვოს ხელშეკრულებით აღებული ვალდებულებების ჯეროვანი შესრულება.

10.1.2. ხელშეკრულების ფარგლებში მოითხოვოს დროული და სრული ანგარიშწორება.

10.1.3 თუ შემსყიდველი არ განახორციელებს 8.2 პუნქტით განვალისწინებულ ვალდებულებას, მიმწოდებელი დაბლოკავს იუზერებით სისტემაზე დაშვების უფლებას.

10.2. `შემსყიდველს` უფლება აქვს:

10.2.1. აწარმოოს მოწოდებული მომსახურების ხარისხისა და მოცულობის კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს, მისი აღმოფხვრის მიზნით.

10.2.2. მოითხოვოს ვებგვერდზე განთავსებული კოდიფიცირებული ნორმატიული აქტების გამოყენებით გამოწვეული ზიანის ანაზღაურება, მხოლოდ იმ შემთხვევაში, თუ ზიანის გამოწვევა განპირობებულია უშუალოდ მიმწოდებლის ბრალეულობით.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულების მიზნებისათვის `ფორს-მაჟორი` ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

12. ხელშეკრულების დანართში ცვლილებების შეტანა

12.1. ხელშეკრულების დანართის ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება რომელიც წარმოიქმნება ხელშეკრულების პირობების შესრულებასთან დაკავშირებით.

13.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

14 ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ

დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2 იმ შემთხვევაში თუ გაიზრდება ხელშეკრულებით გათვალისწინებული მომხმარებელთა რაოდენობა, ხოლო გაზრდის შედეგად საერთო მომხმარებლების რაოდენობა დაექვემდებარება საქართველოს იუსტიციის მინისტრის ბრძანებით დამტკიცებული სხვა საფასურის განაკვეთს, ყოველი ახალი მომხმარებლისათვის საფასური განისაზღვრება ახალი განაკვეთის მიხედვით, ხოლო უკვე რეგისტრირებული მომხმარებლების საფასურის განაკვეთი არ შეიცვლება და გადახდილი თანხა უკან დაბრუნებას არ დაექვემდებარება.

14.3 მომხმარებელთა რაოდენობის შემცირების შემთხვევაში არსებული საფასურით დადგენილი საერთო ღირებულების სხვაობა უკან დაბრუნებას არ ექვემდებარება.

15. ხელშეკრულების პირობების შეუსრულებლობა

15.1. ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში ეკისრებათ პასუხისმგებლობა სამოქალაქო კოდექსით დადგენილი წესით.

16. ხელშეკრულების მოქმედების ვადა

16.1. წინამდებარე ხელშეკრულება დასტურდება დამოწმებითა და მხარეთა ხელმოწერებით.

16.2 ხელშეკრულების მოქმედების ვადა განისაზღვრება ხელშეკრულების თავში მითითებული თარიღიდან და ძალაშია 2019 წლის 30 მარტის ჩათვლით.

81. განსაკუთრებული პირობები

18.1. ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

18.2. ხელშეკრულების ორი ეგზემპლარი ინახება „შემსყიდველთან“, ერთი – „მიმწოდებელთან“.

19. მხარეთა რეკვიზიტები და ხელმოწერები

„შემსყიდველი“

„მიმწოდებელი“

სსიპ „საქართველოს მეცნიერებათა
ეროვნული აკადემია“

სსიპ „საქართველოს საკანონმდებლო მაცნე“

რეკვიზიტები:

რეკვიზიტები:

მისამართი: ქ. თბილისი,
რუსთაველის გამზირი #52
ტელ/ფაქსი: 2997372; 2990052
ს/კ #203851536
სახელმწიფო ხაზინა
კოდი: TRESGE22
ანგარიში: #200122900

მისამართი: ქ. თბილისი,
ფანჯიკიძის 2
ტელ.: 2941645
ს/კ #203862622
სახელმწიფო ხაზინა
კოდი: TRESGE22
ანგარიში: #707407076


/ირაკლი ჟორდანიძე/


/ნიკა ახალზედაშვილი/

დანართი №1

შენიშვნა:

სტანდარტული პაროლი ექვემდებარება სავალდებულო შეცვლას მომხმარებლის მიერ:

შემსყიდველის მიერ წარმოდგენილ უზუსტობაზე დანართში ასახულ ინფორმაციაზე და მათ საფუძველზე გამოწვეულ შედეგებზე პასუხისმგებლობა ეკისრება შემსყიდველს.

დანართში მითითებულ პირთა ინფორმაცია, რომლებიც მოიცავს პერსონალურ მონაცემებს ავტომატურად დამუშავებულ იქნება „პერსონალურ მონაცემთა დაცვის შესახებ“ საქართველოს კანონის მოთხოვნათა შესაბამისად. მონაცემების დამუშავების თაობაზე მომხმარებლის (სუბიექტი) ინფორმირებულობა და მისი თანხმობის ტვირთი ეკისრება შემსყიდველ ორგანიზაციას.

დანართი ივსება ლათინური ასოებით.

სახელი, გვარი

მომხმარებლის სახელი (akademial)

გურამ ქარდავა

ე-მაილ: Guram.qardava@science.org.ge

სტანდარტული პაროლი 1